

Date – 14/08/2025

Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Naktuka Independence Day vawi 79-na lawm turin state chhungah inbuatsaihna peihfel thawkhat a ni tawh.
2. Women Helpline-te chuan thla 3 kalta chhung khan Mizorama hmeichhiate chung a hleilenna thleng report 7481 an dawng.
3. Bihar tuilian avangin district 10 chhunga mi nuai 25 chuangin harsatna an tawh mek.
4. Nizan khan Singapore aiawha Minister lo kalten President Droupadi Murmu-i chu Rashtrapati Bhavanah an kawm.

<><><>

IDAY 2025

Ramchhung hmun dang rualin naktuk hian state pumah Independence Day vawi 79-na lawm a ni dawn a, inbuatsaihna pawh peihfel thawkhat a ni tawh.

Mizoramah chuan he Ni puala lawmna pui ber chu Sipai Lammualah August ni 15 zing dar 9:00 ah neih tan a ni ang a. He hunah hian Chief Minister Pu Lalduhoma chu khuallian a ni dawn a. Lammualah Hnam Puanzar pawtparhin Parade Contingent te a endik ang a, an chibai bukrate chhanglet in March Past neih zui a ni ang. Chief Minister-in Independence Day thuchah a sawi zawhah National leh State Award chi hrang hrangte a sem nghal ang a, Parade contingent-te hnenah lawmman a hlan bawh ang.

Minister ten chan insemin District Headquarters zawng zawngah an hmanpui ang a, Sub-Division (Civil) leh Block hrang hrangah sawrkar anga lawmna inkhawm neih a ni bawh ang.

Sorkar chuan khua leh tui ten an chenna inah leh an hnathawhna in bakah sawrkar pisa zawng zawngah India hnam puanzar tar turin sawkar chuan a ngen bawh a ni.

<><><>

HAR GHAR TIRANGA

Hnam Puanzar ngaihhlut inzirtirna 'Har Ghar Tiranga' campaign chu state chhungah neih zui zel a ni a,

Nimin khan BJP Mizoram huaihawtin Aizawl ah Har Ghar Tiranga 'Two-Wheeler Rally' neih a ni a, State President Dr. K. Beichhua, MLA in a vai liam a ni.

Dr. K. Beichhua MLA "Har Ghar Tiranga puala Two Wheeler Rally chuan ramchhungm hmun hrang hranga chengte, Chhim tâwp atanga Hmar tâwp thlenga chengte inpumkhat zia lantirna a ni a ti a, British laka Zalenna India in a hmuh hunlaia tha leh zung thawhtute kha vawiinah chuan awm tawh lo mahse, a la dam ho ten mi hmasate aiawha India ram ropui tak hi an enkawl chhunzawm dawn tih hriat thar a ngai a. Chuvangin, India ram hian hma lam a pan zel a, Mizoram ngei pawh hian State dangte ruala hmasawnna kawng a zawh ve zel theih nan inlunguala hma lam pan a ngai a ni," a ti bawk.

Lungleiah pawh District Administration huaihawtin 'Tiranga Yatra' buatsaih a ni a, Independence Day lawmnaa parade contingent turte'n hnam Puanzar kengin kawng an zawh a ni.

Lawngtlaiah chuan Chandmary Square atanga Areopagy, Bazar, inkarah kawngzawhin Lawngtlai khawpui chhunga zirlai naupang, Zirtirtu leh Sawrkar hnathawk thahnem tak an tel thei a ni.

Hnahthialah pawh Har Ghar Tiranga Campaign pualin Hnahthial-a school zirlaiten HDFA Turf ground atanga Nauhruaikawn thleng kawng an zawh a. Heimi rual hian, Ruihhlo Do Beihpui Thlakna - Nasha Mukht Bharat Abhiyaan pualin zirlai naupangte chu Ruihhlo ti lo tura intiamna neihpui an ni bawk.

<><><>

WOMEN HELPLINE

Mizoram sorkar Women and Child Development hnuiaia Women Helpline-te chuan kumin April ni 1 atanga thla hmasa July chhungin Mizoram chhunga hmeichhiate chung a hlei lenna thleng report 7481 an dawng.

Women Helpline Office hotuten Akashvani Aizawl an hrilh danin an report hmuh a kum bithliah a an then hran danah nikum April ni 1 atanga kumin March ni 30 chu report an dawn tam ber tum niin 13,994 an dawng tih an sawi.

Women Helpline Office chhinchhiah danin hmeichhiate chung a hlei lenna hi kum 18 atanga kum 40 ten an tawh nasa bera, hlei lenna tuar nia insawi zinga za a 71 chu hmeichhia kum 18 atanga kum 40 ten tawkin zaa 18 vel chu kum 41 atanga kum 60 inkar an ni.

Women Helpline hotute chuan hmeichhe kum 60 chunglamah pawh hlei lenna tawh an awm tih sawiin hei hi report an dawn zinga zaa 2.5 an ni a, zaa 4.5 chu kum 17 tling lo te chung a thleng a ni.

Women Helpline hotute sawi danin hmeichhiate chung a hlei lenna hi thuang hnih domestic leh non- domestic-ah then a ni a, domestic abuse hian kut

thlak bakah, hmeichhiate chung a diriamna tawngkam uchuak leh vauna tawngka hman te, suma inbumna bakah mipat hmeichhiat lam hawi leh ruihtheih thil zu leh damdawi hmanga hmeichhe duh lo chung hrai ruihte huamin non domestic violence hian social media hmanga hmeichhe tih mualpho bakah hur herhna lam zawnga hmeichhe chhaih te hmeichhiate remtihna tel lova anmahni dikna chanvo rapbet khawp a an chanchin leh nun hman dan chhui zuite bakah thudik zik tluak lo nun tichhe thei khawp a hmeichhiate beih te a huam a ni.

<><><>

KHAWZAWL REVENUE

Land Revenue & Settlement Minister Pu B. Lalchhanzovan nimin **khan Khawzawla Deputy Commissioner Office hnuiaia Revenue Branch** a hawng.

Minister Pu B. Lalchhanzova chuan thusawiin **Land Revenue and Settlement Dept.** chu **Ram** siamthatu an nih thu sawiin, revenue department pawh kawng hrang hranga thuamthuatna leh siamthat kawngah an tang hle tih a sawi a, **Khawzawl district-ah** chauh lo pawh hmasawnna thlen na turin hma an la zel a ni tih a sawi.

Revenue Branch hawnna hun hi **Khawzawl Bawrhsap Pu K. Vanlalthiana'n** a kaihruai a, he hunah hian **Land Revenue & Settlement Secretariat** leh **Directorate staff** te, **Khawzawl District Office** hotute an tel a ni.

<><><>

NDMA

Mizoram tlawha lo zin mek, **National Disaster Management Authority (NDMA)** hotute chuan vawiin hian **Champhai Vengsang, Bethel** leh **NH-06** kalkawnga leimin an en ang.

Nimin khan Champhai District Disaster Management Authority hotute nen **DC Conference Hall-ah** thukhawmin chhiatrupna laka invenghim tura tih tawh te, tih tur te leh tih dan tha an sawi ho a ni.

NDMA lam atangin **Pu Ranjan Kumar Borah** chuan **NDMA** hmalakna te, **Disaster Management Act** siamthat a nih dan te, district level atanga international level thlenga chhiatrupna thleng tur ven nana thawhhona neih dan tur te a sawi a. **Champhai DDMA** atangin **SDC Pu Lalchhuanawma Ralte** leh **Khawzawl DDMA** atangin **SDO (Sadar) Pu Suvigya S. Chandra** te'n district hmalakna te, chhiatrupna thlen thulha bungrua, motor an neih dan leh an inrin dan te, harsatna leh mamawhna an neih hrang hrang te an sawi baw.

<><><>

AIR NEWS ON SOCIAL MEDIA

Chanchinthar hi **Akashvani Aizawl** atanga puan a ni a. **AIR News Aizawl Youtube Channel, All India Radio News Aizawl Facebook page** leh **newsonair.gov.in** ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah **Chanchinthar** puan leh a ni ang.

<><><>

WILDLIFE REPORT

Environment Forest and Climate Change hnuiaia Wildlife Division chhinchhiah danin, Mizorama dan lova ramsa leh sava tawlhruk man zat chu 1103 a tling tawh.

Wildlife Division hotuten Akashvani Aizawl an hrilh danin, heng ramsa tawlhrukte hi Assam Rifles, Border Security Force, Directorate of Revenue Intelligence-te bakah Custom Department leh Mizoram Police-te leh Central YMA Anti Drug Squad ten an man a ni a, a tlangpuiin Burma lam atanga lo kal a ni.

Wildlife Division-te chhinchhiah danin dan lova nungcha tawlhruk zingah hian laiking a tam ber a, laiking chi hrang hrang 500 chuang man a ni a, heng bakah hian sava chi hrang hrang , satel leh rul chi tam tak bakah awle thlenga dan lova tawlhruk a nih thin thu an sawi bawk. Wildlife Division hotute chuan, heng nungcha dan lova tawh ru thin te hian an nungcha tawlhruk thin te chu bawm tawt tak takah te leh boruak luh theih mang lohna-ah te riltam tak leh dang char taka an dah thin thu sawiin thuneitu lamin an hnena an rawn dah nungcha tam tak chu chhan hman lova an thih thin thu an sawi bawk.

Wildlife Division-te hian dan lova nungcha tawlhruk thuneituten a anmahni hnena an rawn dah bakah hian, Mizoram chhunga awmsa nungcha mihringte chenna hnaih lutuk a awm lak sawn hna te leh nungcha hliam tuar mihringte chhar enkawl hna an theihtawp chhuahin an thawk thin a, kum 2020 June thla atanga vawiin thlenga Mizoram chhunga nungcha hliam tuar leh an awmna him loh avanga an lak sawn tak chuan 116 an tling tawh a ni.

Wildlife hotute sawi danin tunlai hian mihringte chenna in leh a chheh velah rul a inlar nasa hle a, rul seng hawi hna hi nitin deuh thaw rul lam tui mi inzawm khawm zo herbs te nen an thawk thin a ni.

<><><>

BIHAR FLOOD

Bihar tuilian avangin district 10 chhunga mi nuai 25 chuangin harsatna an tawk mek. Tuilian hi Bhagalpur, Begusarai, Munger, Bhojpur,Patna leh Vaishali ten an tuar nasa zual a. Chief Minister Nitish Kumar-a hovin nimin khan chhawmdawlna hna thawh dan thlirho a ni a. CM Kumara chuan thuneitute chu Community kitchen kaltlanga ei tur siamsa pe tur leh chen lailawkna tur siamsak turin a chah a. NDRF leh SDRF team 16 ten tuilian tuarte chhawmdawl hna hi an thawk mek a ni.

<><><>

INDIA-SINGAPORE ROUNDTABLE

Nizan khan Singapore aiawha Minister lo kalten President Droupadi Murmu-i chu Rashtrapati Bhavanah an kawm. President Murmu-i chuan India leh Singapore inkara thawhdunna chu

khawvel buai karah chak takin a thang chho mek a ti a. Kumin kumtira Singapore a tlawh tuma a thil tawn te a sawilang bawk a ni.

Puan tawh angina India-Singapore Ministerial Roundtable vawi 3 chu nimin khan New Delhi-ah neih a ni a. Union Minister Dr.S.Jaishankar, Nirmala Sitharaman, Ashwini Vaishnaw leh Piyush Goyal te sawrkar aiawhin an tel a. Singapore atangin Deputy Prime Minister Gan Kim Yong leh Foreign Affairs Minister Josephine Teo te an tel a ni.

External Affairs Ministry chuan Ministerial Roundtable chu India-Singapore thawhdunna kawngah hmalakna dangdai tak anih thu a sawi a. Ram pahnih inkara thawhdunna thar awm thei hrang hrangte an ngaihtuah dawn a ni.

<><><>